



Adroddiad Blynyddol Corff Llywodraethol

Ysgol Gyfun Gymraeg Glantaf



2025-26



Pennaeth:

Matthew H T Evans

Cadeirydd y Llywodraethwyr:

Iona Edwards

Is-gadeiryddion:

**Tamsin Ramasut
Aled Walters**

Croeso

Ysgol Gyfun Gymraeg Glantaf

Ein gweledigaeth yw datblygu dinasyddion iach, uchelgeisiol, croesawgar a Chymreig sy'n falch o hanes a diwylliant cyfoethog ein cefndiroedd, ein prifddinas a'n gwlad. Cefnogwn bob aelod i gyfrannu'n llawen at fwrlwm cymuned yr ysgol, i fwynhau dysgu a dyfalbarhau ac i fod yn garedig. Ein nod yw creu awyrgylch dysgu cynhwysol a chefnogol lle caiff pob unigolyn ei werthfawrogi.

Coron Gwlad ei Mamiaith



Taith Celf i'r Amgueddfa Ashmolean, Rhydychen

Llun Clawr: Seremoni Torri'r dywarchen ar gyfer Canolfan Ethni; Aelodau o Senedd Canolfan Ethni; Mrs Bethan Davies, Garmon ap Michael a'r Cyng Sarah Merry



Llythyr cyflwyno gan Gadeirydd y Corff Llywodraethol

Annwyl Riant / Warcheidwad,

Braint yw ysgrifennu atoch eleni eto ar ran Corff Llywodraethol Ysgol Gyfun Gymraeg Glantaf i gyflwyno'r adroddiad hwn. Mae'n cynnwys yr holl weithgareddau a'r profiadau dros y flwyddyn ddiwethaf sy'n dyst i weledigaeth ac ymrwymiad y tîm cyfan o staff yng Nglantaf.

Eleni, croesawodd yr ysgol dim o arolygwyr Estyn am arolwg llawn o'r ysgol a hynny am y tro cyntaf ers 2017. Fel Corff Llywodraethol, rydym yn ystod y blynyddoedd diwethaf, wedi cael ein hysbrydoli gan y cyfleoedd a'r profiadau cyfoethog sy'n cael eu cynnig yng Nglantaf ac am safon uchel yr addysg sydd i'w chael yma. Ac felly, er bod yr adroddiad a gyhoeddwyd eleni yn sôn am y cyfleoedd, yr arlwy a'r safon arbennig o fewn yr ysgol, nid oedd yn syndod gwirioneddol, oherwydd gwyddom yn dda am gymeriad a safon ein hysgol yma yn y Brifddinas. Wrth dderbyn yr adroddiad terfynol a gwerthfawrogi y gwaith ardderchog sy'n cael ei gyflawni yma, hoffem fel Corff ddiolch o galon i bob un disgybl am ei gyfraniad i fywyd yr ysgol ac i'r tîm rhagorol o staff ac arweinwyr sy'n gofalu a chymhell cymuned yr ysgol i gyflawni mewn modd mor ardderchog. Llongyfarchiadau i bawb ar adroddiad arolygu Estyn mor ganmoladwy, ac un na welir yn aml!

Mae rhestr cyflawniadau eleni eto yn hir a chyfoethog a diolch i gymuned yr ysgol am eu brwdfrydedd a'u hegri. Mae Sioe Olifer, cyngerddau Nadolig, llwyddiannau yn Eisteddfod yr Urdd yn Ynys Môn, amlygrwydd y Côr Bois, Cyngerdd Cerddorfa'r Clwstwr Cynradd, yr Arddangosfa Gelf ynghyd â'r Nosweithiau Gwobrwyd wedi bod yn achlysuron arbennig iawn lle rydym i gyd wedi teimlo'n falch iawn o ddoniau amrywiol ein pobl ifanc. Ar ben hynny, mae'r rhestr hir o gyflawniadau chwaraeon unwaith eto yn tanlinellu talentau a chymeriad ein disgyblion. Hoffwn hefyd longyfarch myfyrwyr ar ganlyniadau ardderchog TGAU a Safon Uwch yr haf diwethaf. Llongyfarchiadau cynnes a diolch am eich gwaith!

Fel Corff Llywodraethu rydym hefyd yn cael ein calonogi gan y gwaith presennol ar y safle i wella cyfleusterau. Roeddem yn falch o wella adnoddau ar yr iard chwarae drwy ychwanegu dwy gysgodfan newydd, ac edrychwn ymlaen i weld buddsoddiadau ychwanegol eto eleni i wella cyfleusterau arlwy a uwchraddio ymhellach dai bach yr ysgol. Braf hefyd gweld bod datblygiad adeilad newydd Canolfan Ethni yn dod yn ei flaen ar amser. Rydym yn croesawu'r newidiadau yn ein darpariaeth cwricwlwm i sicrhau bod disgyblion yn cael eu paratoi'n gywir am gymwysterau newydd yng Nghymru. Rhoddodd ein hymweliadau tymor yr hydref â'r ysgol gyfle i ni drafod cynnydd disgyblion gydag athrawon ac roedd hyn yn fewnwelediad gwerthfawr i'r gweithgareddau dysgu ar draws y cwricwlwm. Pleser arbennig oedd mwynhau sgysiau gyda disgyblion, ac maent i'w canmol am eu hegri, eu brwdfrydedd a'u gonestrwydd wrth drafod eu gwaith a'u cymuned yng Nglantaf.

Eleni, buom yn gweithio'n agos gyda Ysgol Bro Edern wrth i ni feithrin gallu arwain dros y ddwy ysgol. Rydym yn falch bod y cydweithio rhwng Mr Matthew Evans, fel Pennaeth Gweithredol, Mr Dyfrig Rees fel Pennaeth Ysgol a Mrs Catrin Arnopp fel Dirprwy wedi ei sefydlu'n gadarn yng Nglantaf a bod momentwm gwelliannau ac arloesedd yn parhau o fewn yr ysgol. Hoffwn ddiolch i'r tri ohonynt, i'r Tim Arwain ac i'r staff cyfan am eu gwaith, eu hymroddiad a'u cyfraniadau estynedig i ymestyn, cynnig a datblygu cyfleoedd addysgol, elusennol, allgyrsiol a diwyllianol i'n plant a'n pobl ifanc. Diolch yn olaf i chi fel rhieni am eich cefnogaeth barod a brwd i holl waith yr ysgol ac edrychwn ymlaen at weithio'n agos gyda chi i gyd yn y blynyddoedd i ddod.

Iona Edwards

Cadeirydd y Corff Llywodraethol



Cor Bois Glantaf ar lwyfan Britain's Got Talent!

Adroddiad diwedd blwyddyn gan y Pennaeth Gweithredol, Matthew Evans.

Mae'n bleser cyflwyno'r adroddiad blynyddol hwn i gymuned Ysgol Gyfun Gymraeg Glantaf. Rwy'n teimlo'n freintiedig o weithio ochr yn ochr â disgyblion mor dalentog ac aelodau staff ymroddedig o fewn *teulu Glantaf*.

Yn Medi 2026, roedd yn braf dechrau ein gwaith cydweithredol fel ysgol gydag Ysgol Bro Edern er mwyn adeiladu capasiti arweinyddiaeth ymhellach dros y ddwy ysgol. Roedd hyn yn golygu partneriaeth gydweithredol gyda Bro Edern, wrth i mi gamu i rol Pennaeth Gweithredol dros y ddwy ysgol ac i Mr Dyfrig Rees gamu i rol newydd fel Pennaeth Ysgol. Rydym wedi ein cefnogi yn ein gwaith, gan Mrs Catrin Arnopp, fel Dirprwy Bennaeth. Drwy gydol y flwyddyn rydym wedi gweithio'n hynod glos, i weithio'n strategol ac mewn dull mwy cydweithredol er mwyn sicrhau a gwella ein darpariaeth i blant a phobl ifanc yr ysgol. Wrth lunio'r adroddiad hwn, mae holl waith y flwyddyn yn glir dros ben a hoffwn ddiolch am bob arwydd o gefnogaeth i'n gwaith ac am eich ymrwymiad i sicrhau bod yr ysgol yn parhau ar ei thaith gwelliant.

*Mr D Rees, Mr M Evans a Mrs C Arnopp*

Hoffwn ddiolch i'r aelodau staff hynny sydd wedi'u penodi i swyddi eraill neu sydd wedi dewis ymddeol yn ystod y flwyddyn neu ar ddiwedd tymor yr haf. Yn syml ac yn ddiffuant, dymunwn bob hapusrwydd iddynt ar gyfer y dyfodol a diolch yn garedig iddynt am eu gwaith yma yng Nglantaf.

Perfformiad ysgol Haf 2025: Cyrsiau TGAU a Lefel 2 Galwedigaethol

Roedd canlyniadau TGAU / Galwedigaethol yn haf 2025 yn ardderchog, gydag 87% o ddisgyblion yn ennill 5 A*-C a 41% yn ennill 5 cymhwyster A*-A; cyflawnodd 75% o ddisgyblion 5 A*-C gan gynnwys Mathemateg a naill ai Saesneg neu Gymraeg a chyflawnodd 99% o ddisgyblion 5 A*-G. Gwelodd ein sgôr 9 wedi'i gapio (sy'n cofnodi cyrhaeddiad disgyblion mewn 9 cwrs gwahanol ac a allai fod yn gofnod tecach o gyrhaeddiad disgyblion) gynnydd o 413 i 415. Mae'r data hwn yn cymharu'n ffafriol ag ysgolion tebyg eraill yng Nghymru ac mae canlyniadau Glantaf yn 2025 yn cyfateb i'r safonau uchel mewn perfformiad cyn y pandemig. Rwy'n falch hefyd o nodi'r canlyniadau o fewn Bagloriaeth Cymru, lle roedd A*-C yn 93%. Mae dadansoddiad a chrynodeb o ddata yr ysgol ar gael ar wefan [Fy Ysgol Leol](#) sydd yn ddefnyddiol i edrych ar berfformiad ysgolion dros gyfnod o amser.

*Llwyddiant TGAU Haf 2026**Dathlu BI 13 Haf 2026***Cyrsiau Galwedigaethol Safon Uwch a Lefel 3**

Roedd BI13 hefyd yn dathlu graddau haeddiannol gyda nifer o ddisgyblion a berfformiodd yn ardderchog. Roedd y canlyniadau rhagorol a gofnodwyd yn golygu bod 36% o'r holl raddau Safon Uwch yn A* neu A ac o'r graddau a ddyfarnwyd, roedd 60% ohonynt o'r graddau uchaf B > A*. Roedd hyn yn golygu bod pob disgybl ym M13 wedi llwyddo i sicrhau eu dewis cyntaf neu ail ddewis o ran addysg uwch. Roedd yn braf bod cymaint o'n disgyblion (36%), wedi ennill y radd A*/A yng nghymwyster Bagloriaeth Cymru.

Arolwg Estyn: Chwefror 2026

Braf oedd croesawu tim arolygaeth Estyn i'r ysgol yn Chwefror eleni, a chael y cyfle i rannu addysgeg, arfer a thaith yr ysgol dros y cyfnod diwethaf. Mae'r [Adroddiad Llawn](#) yma ac fel canlyniad i'r ymweliad gwahoddwyd yr ysgol i rannu dwy astudiaeth achos o arfer dda gyda'r corff arolygu.

Pleser arbennig gweld bod Estyn yn nodi fod disgyblion yr ysgol yn arddangos “*uchelgais, annibynniaeth a balchder yn eu Cymreictod*” ac ymhellach fod yn y mwyafrif helaeth o wersi bod addysgu effeithiol a bod “*athrawon yn cynllunio’n ofalus er mwyn adeiladu dealltwriaeth disgyblion a’u paratoi i ymdopi a thasgau sy’n eu herio. Mae hyn yn cyfrannu’n dda at ddatblygu’r annibynniaeth ac uchelgais y mae’r disgyblion yn eu harddangos, ac yn eu galluogi i wneud cynnydd da yn eu dysgu*”. Elfen bwysig o’n gwaith yma yng Nglantaf yw darpariaeth Canolfan Ethni (gweler Atodiad C), a braf nodi hefyd bod y gwaith, arweiniad a’r gofal o fewn y Ganolfan yn sicrhau clod yr arolygwyr wrth iddynt nodi bod staff yn sicrhau bod “*profiadau dysgu wedi eu teilwra i anghenion disgyblion .. ac o ganlyniad bod disgyblion yn gwneud cynnydd cadarn yn eu medrau a’u sgiliau bywyd*”.

Elfen arall o bleser oedd y cyfeiriadau at naws gymunedol a gofalgargr yr ysgol, a hynny drwy ei hethos deuluol, ei chwricwlwm lles a’r modd mae bwrlwm gweithgaredd yr ysgol yn sicrhau ymglyniad a brwdfrydedd ystod eang o’n disgyblion. Yn sicr ddigon, mae’r adroddiad yn dangos ar ei hyd lwyddiant yr ysgol yn agor drysau, yn dathlu cyflawniad ac yn hybu brwdfrydedd plant a phobl ifanc Glantaf yn eu dysgu eu hunain. Mae’n dyst i gymeriad, dycnwch ac ymroddiad staff i fodelu a chynnig arweinyddiaeth mor gadarnhaol, ac mae’r gweithgaredd addysgol hyn oll drwy gyfrwng yr iaith Gymraeg, yng nghalon ein Prifddinas yn llwyddiant nodedig.

Ymgysylltiad Cyngor Caerdydd ar ddyfodol addysg Gymraeg

Yn Nhymor y Gwanwyn 2026, lansiwyd proses ymgysylltiad gan Gyngor Caerdydd ar dwf cynnaliadwy addysg Gymraeg o fewn y ddinas, ac ar ddarpariaeth ar gyfer cohort mwy na’r disgwyl yn Medi 2027. Trafodwyd yr opsiynau i gyd gan y Corff Llywodraethu gan gytuno ar ymateb cytun i’r ymgysylltiad, ac annogwyd rhieni a chymuned yr ysgol i leisio eu barn ynglyn a’r cynnigion. Daeth yn amlwg iawn bod angen buddsoddiad sylweddol i ysgolion uwchradd cyfrwng Gymraeg y ddinas, er mwyn darparu cyfleusterau addas. Rydym yn deall bod y Cabinet yn ystyried yr holl ymatebion yn Nhymor yr Hydref ac edrychwn ymlaen i glywed beth fydd gweledigaeth y Cyngor ynglyn a chymau nesaf i addysg Gymraeg y ddinas, er mwyn ystyried ein hymateb pellach. O ran cohort uwch na’r disgwyl yn Medi 2027, bydd gwasgedd ar leoedd yng Nglantaf, ac rydym mewn trafodaethau dwys gyda’r Cyngor am ddatrysiad buan i’r sefyllfa er mwyn diwallu y galw. Mae’n debygol bydd hyn yn golygu buddsoddiad pellach i safle a chyfleusterau Glantaf.

Cyfathrebu Rhieni – Arbor

Eleni, fel y gwyddoch mae pob ysgol yng Nghaerdydd wedi mudo ein systemau rheoli gwybodaeth i lwyfan cyfathrebu newydd Arbor. Mae hyn yn golygu bod holl systemau cyfrifiadurol a chyfathrebu yr ysgol bellach drwy Arbor, er bod cyfnod o drosglwyddo systemau o hyd dros y misoedd nesaf. Rydym yn ymwybodol bod rhai rhwystredigaethau wedi bodoli gyda’r llwyfan, *Classcharts*, ac felly rydym am gymryd ein hamser i sicrhau ein bod yn gwella ein dull cyfathrebu drwy lwyfan app. Arbor i rieni. Yn ystod 2026/27 byddwn yn mudo mwy o’n gweithgaredd i lwyfan app Arbor gan gynnwys eich gallu fel rhieni i dracio cynnydd, i dderbyn mwy o wybodaeth am eich plentyn ac i dalu am deithau a chinio ysgol. Rydym wedi sefydlu protocol newydd o hysbysu am ddigwyddiadau drwy gyfrwng ebost uniongyrchol i rieni er mwyn sicrhau bod negeseuon cywir a phwysig yn eich cyrraedd, yn ogystal a pharhau ein cylchlythyron rheolaidd i son am weithgaredd ac i atgoffa am ddigwyddiadau pwysig sydd ar y gweill.



Dosbarth Pwll Coch : Dawns Ffarwel Bl 11

Datblygiadau cwricwlaidd a Chwricwlwm i Gymru

Fe wnaethom ddiwygio ein dewisiadau cwricwlaidd ar gyfer Medi 2026 eleni, drwy roi ychydig mwy o berchnogaeth i ddisgyblion yn Bl 8 i ddewis am eu cyrsiau wrth baratoi at gyrsiau yn Bl 9. Roedd hwn yn un o argymhellion o’r arolwg ac rydym yn falch o allu ymateb i’r argymhelliad yn gyflym ac



mewn modd pwrpasol. Bydd hwn yn gyfle i ddyfnhau medrau pynciol ac yn galluogi disgyblion i ddewis mwy gwybodus ar gyfer cyrsiau TGAU yn Bl 10 ac 11. Bydd hyn yn golygu bod disgyblion yn elwa o fwy o amser yn eu pynciau opsiwn ac yn cael blas go iawn ar bynciau cyn dewis yn derfynol ar ddiwedd Bl 9.

Fe wnaethom hefyd ymateb i'r cyrsiau newydd sydd yn cael eu datblygu yng Nghymru, gyda cyrsiau newydd TGAU i Fl 10. Mae rhai o'r asesiadau rhain wedi dechrau eisioes ac rydym yn falch o fod wedi paratoi a chydlynu y cyrsiau newydd er mwyn cefnogi disgyblion yn eu dysgu. Bydd mwy o gyrsiau newydd yn dechrau yn Medi 2026 gyda thon olaf y cymwysterau galwedigaethol yn cael eu lansio yn 2028. Gwnaethom barhau i weithio mewn partneriaeth ag ysgolion cyfrwng Cymraeg eraill yn Ne Cymru (CYDAG) mewn diwrnod HMS a oedd yn canolbwyntio ar rannu arfer da. Ym mis Mawrth, ymunodd staff Glantaf â chydweithwyr o ysgolion eraill mewn hyfforddiant yn rhannu arfer dda mewn pynciau ac wrth baratoi at addysgu y cymwysterau newydd.



Pencampwyr Cwpan Cymru: Tim Rygbi XV Bl 9

O fewn y Chweched Dosbarth, bu twf yn y niferoedd sy'n dewis dychwelyd neu ymuno â Glantaf gyda 177 o fyfyrwyr ym ml.12 (169 ym mis Medi 2024). Rydym hefyd yn falch o barhau â'n cynigion partneriaeth drwy BroPlasTaf, sy'n golygu bod ein colofnau opsiwn gyda 36 o gyrsiau gwahanol i fyfyrwyr yn CA5.

Ymwelodd aelodau o'n Corff Llywodraethu ag adrannau i gymryd rhan mewn cyfarfodydd adran ac i arwain craffu llyfrau a chyfweld disgyblion ar eu profiadau. Mae'r ymweliadau cyswllt hyn yn sicrhau bod y Corff Llywodraethol yn cael eu diweddarau am ddatblygiad proffesiynol staff, yn ogystal â sicrhau bod Penaethiaid Adrannau yn cael cefnogaeth dda yn eu gwaith.

Dysgu proffesiynol staff

Nodwedd allweddol o'n gwaith yw meithrin partneriaethau a gweithio'n agos gydag ysgolion a sefydliadau eraill. Gweithiodd Glantaf yn agos gydag Adran Addysg Prifysgol Metropolitan Caerdydd fel Ysgol Hyfforddiant Clinigol, gan groesawu 15 darpar-athro. Mae Mrs Megan Bennett, Pennaeth Cynorthwyol (Addysgu a Dysgu) wedi arwain ein Fforwm Dirprwy Benaethiaid o fewn y clwstwr, gan edrych ar strategaethau addysgu effeithiol ar fedrau darllen.

Mae Glantaf hefyd yn gweithio mewn partneriaeth agos ag ysgolion cyfrwng Cymraeg eraill, yn CYDAG (Ysgolion Cyfrwng Cymraeg ledled Cymru) a chyda Gyda'n Gilydd (Consortiwm Ysgolion Cyfrwng Cymraeg Canol De Cymru).

Gweithiodd Ysgolion Bro Edern, Plasmawr a Glantaf yn agos i gynllunio rhaglen o ymweliadau cymar rhwng adrannau yn ystod 2025-26. Mae'r ymweliadau yma wedi golygu bod arweinwyr adran ar draws y dair ysgol wedi cynnal ymweliad a phob ysgol, yn ymuno a gwersi, yn craffu ar waith ac yn cynnal cyfweiliadau gyda disgyblion. Mae'r adborth o'r ymweliadau yma wedi bod yn gyson gadarn gan roi i bob ysgol yn ei dro, syniadaeth a chyfeiriad er mwyn gwella ymhellach. Bydd y gwaith ysgol i ysgol yn parhau yn ystod 2026-27 er mwyn elwa pob adran o fewn yr ysgol.

Fe wnaethom barhau â'n gwaith fel Ysgol Bartner gyda'r Llwybr Hyfforddi Athrawon y Brifysgol Agored, gan gefnogi pump athro drwy'r rhaglen eleni (Saesneg {2}, Cymraeg, Ffiseg a Mathemateg).

Eleni fe wnaethom barhau â'n rhaglen dysgu proffesiynol staff o'r enw *Rhaglen Addysgu Glantaf*. Mae'r rhaglen yn cefnogi chwe athro bob blwyddyn i archwilio strategaethau addysgu a dysgu a galluogi eu prosiectau ymchwil i gael eu rhannu â chydweithwyr. Felly, rydym wedi croesawu ac wedi elwa o 24 o athrawon ar y rhaglen hon dros y bedair blynedd diwethaf. Yn ogystal lansiwyd

rhaglen hyfforddi ar gyfer Arweinwyr Canol, sef *Rhaglen Addysgu Uwch Glantaf*, ar gyfer paratoi arweinwyr ar gyfer uwch-arweinyddiaeth.

Prosiect Grymuso Merched a ariannwyd gan Taith gydag ysgolion ym Malaysia

Yn dilyn prosiect (Taith) i Aotearoa yn 2023/24 oedd yn edrych ar amrywiaeth, dwyieithrwydd a brwydro yn erbyn hiliaeth, roeddem yn falch iawn o barhau yn 2024-26, gyda prosiect Taith arall sy'n canolbwyntio ar fodelau arweinyddiaeth benywaidd.

Cafodd grŵp o 28 o ddisgyblion Blwyddyn 9, o gefndiroedd mwyafrif byd-eang neu ddifreintiedig, gymryd rhan mewn prosiect trawsnewidiol a ariennir gan Taith, gan ganolbwyntio ar fodelau rôl benywaidd ac arweinyddiaeth ar draws cyd-destunau diwylliannol amrywiol. Teithiodd y merched i ymweld a dwy ysgol yn Malaysia gan hefyd gyfrannu at gynhadledd addysgol yn Kuala Lumpur. Mae'r daith a'r prosiect cyfan wedi cael effaith sylweddol ar gynnydd academiaidd a phersonol y merched, gan feithrin hyder, hunaniaeth a dyheadau newydd. Nod y prosiect arloesol hwn oedd codi dyheadau a grymuso merched trwy ddarparu cyfleoedd addysgol a chyfoethogi i grwpiau o ferched nad ydynt bob amser wedi bod yn weladwy o fewn cymuned yr ysgol. Dan arweiniad Mrs Chantelle Moore, mae'r merched wedi cymryd rhan mewn cyfres o weithdai cyfoethogi ar arweinyddiaeth benywaidd a datblygiad personol, gan arwain gweithdai i ddarpar-athrawon ac i ddisgyblion ar draws ein ysgolion clwstwr.



Glantaf yn Malaysia: Hydref 2025

Roedd y daith i Malaysia am ddeg diwrnod yn yr Hydref, a chydweithio â dwy ysgol yn Kuala Lumpur, yn fodd rhyfeddol o godi dyheadau'r merched ac yn arwydd o ymddiriedaeth a ffydd yn eu galluedd a'u potensial. Roedd clywed eu cyflwyniadau a'u hargraffiadau ar ol cyfnod o fyfyrto a gwerthuso yn ysbrydoliaeth go iawn, ac edrychwn ymlaen yn eiddgar at groesawu merched Malaysia ar ymweliad a Glantaf yn Mis Medi 2026.

Yn bwysicach na dim, mae'r daith a'r cyfle wedi bod yn fodd i ysbrydoli staff (a'r merched) i sicrhau dilyniant gweithredol o'r prosiect ar ddiwedd y cyfnod ariannu gan Taith. Mae hyn yn golygu bod grwpiau ymbweru wedi eu sefydlu eto yn M18 i archwilio hunaniaeth a chymeriad, gyda grwpiau eraill o ddisgyblion sy'n wynebu heriau cymdeithasol neu ddiwyllianol. Edrychwn ymlaen i weld y disgyblion yma yn eu tro yn trawsnewid yn arweinwyr ac yn ddylanwad cadarnhaol ymysg eu cyfoedion.

Bydd y gwaith hwn yn bwydo'n uniongyrchol i'r Cynllun Gwella Ysgol, gan gryfhau hunaniaeth Gymreig a hyrwyddo hyder merched mewn arweinyddiaeth.

Gwaith partneriaeth clwstwr Cynradd

Parhaodd ein partneriaethau Cynradd yn ystod y flwyddyn gyda nifer o ymweliadau a gweithgareddau gan gynnwys: diwrnodau blasu STEM; Diwrnodau blasu Celfyddydau Perfformio; Sesiynau Hawl i Holi gyda Bl. 6; Gwersi ar-lein Bl. 6 (Ffrangeg) a Bl. 5 (Almaeneg); Diwrnod Chwaraeon Clwstwr yn ogystal â pherfformiad y Gerddorfa Clwstwr.

Buddsoddiad Safle a TGCh

Mae Glantaf yn parhau i flaenoriaethu buddsoddiad mewn Technoleg Ddigidol trwy ddarparu Chromelyfr personol i ddisgyblion. Er bod cyllid canolog ar gyfer



*Prif Swyddogion 2025
Dawns Ffarwel Bl 13*



y cynllun hwn wedi dod i ben yn 2024/25, ymrwymodd y Corff Llywodraethu i barhau â'r cynnig digidol hwn (gyda chefnogaeth rhieni) i ddisgyblion ar gyfer 25/26.

Mae buddsoddiad pellach ar y campws wedi cynnwys dau loches tywydd gwlyb newydd ar iard yr ysgol, ynghyd a goliau pel fasged newydd gafwyd drwy nawdd Cymdeithas Pel

Fasged Cymru. Adnewyddwyd dwy ystafell ddosbarth newydd wrth weld ehangu ar y niferoedd wnaeth ymuno a ni yng Nghanolfan Ethni. Gwnaethom hefyd adnewyddu ein tiliau yn y ffreutur er mwyn sicrhau gwasanaeth mwy cyflym i ddisgyblion. Rydym yn bwriadu gwella cyfleusterau'r safle ymhellach trwy adeiladu lloches ychwanegol a caban arlwyo newydd yn ystod haf 2026. Yn ystod tymor yr haf, byddwn hefyd yn adnewyddu dau floc tai bach i ddisgyblion ac i staff yr ysgol, yn ogystal a buddsoddi mewn Bws Mini newydd i'r ysgol. Byddwn yn buddsoddi dros £15,000 i adnewyddu offer Gymnasteg a Ffitrwydd yn yr Adran Addysg Gorfforol.



Ymweliad Prif Weinidog Cymru a chyn-ddisgybl Glantaf, Eluned Morgan AS ar adeg enwi ystafell Wleidyddiaeth yn 'Ystafell Eluned'

Heb os, datblygiad mwyaf ar y campws eleni oedd croesawu y Contractwyr Wynne er mwyn adeiladu ein Canolfan Anghenion Addysgol Arbennig newydd, a enwyd yn swyddogol eleni yn Canolfan Ethni. Mam un o ddisgyblion cyntaf yr uned oedd Ethni Jones, ac roedd hi hefyd yn ymgyrchydd brwd dros hyrwyddo addysg Gymraeg. Fel un o ddisgyblion cyntaf Ysgol Bryn Taf, gweithiodd Ethni yn ddiwyd, egniol a llawen drwy gydol ei bywyd i agor llwybrau addysg Gymraeg i fwy o blant yma yn y brifddinas ac ar draws Cymru. Yn hwyrach, ymunodd a staff Glantaf fel athrawes ac roedd hi a'i gwr Michael yn ymgyrchwyr brwd a diflino dros lwyddiant ac ehangu cyfleoedd i blant drwy gyfrwng y Gymraeg. Pleser arbennig oedd croesawu mab Ethni, Garmon, ynghyd a Dirprwy Arweinydd y Cyngor, Cyng Sarah Merry i dorri'r dywarchen mewn seremoni yn yr Hydref. Mae'r adeilad yn datblygu yn gyflym ac edrychwn ymlaen i gwblhau'r prosiect ar gyfer yr agoriad yn Ionawr 2027.

Lles a Diogelu

Roeddem yn falch iawn o groesawu partneriaid addysgol i Glantaf i gynnig gweithdai a sesiynau rhyngweithiol i fyfyrwyr. Mae'r rhain wedi cynnwys:

Dangos Cerdyn Coch i Hiliaeth	BI 7	Gweithdai cydraddoldeb
Brook	BI 7	Strategaethau ar gyfer lles digidol
Smashed Live	BI 7	Smashed
Brook	BI 8	Urddas Mislif
Brook	BI 9	Ymateb i bornograffi
Brook	BI 9	Cyflwyniad i iechyd rhywiol
Brook	BI 10 & 11	Ymchwilio hunaniaeth
Mewn-gymorth i ysgolion	BI 10	Straen arholiadau
Senedd	BI 11 & 12	Pleidleisio / dinasyddiaeth
Gwasanaeth Tan	BI 12	Diogelwch gyrru
Elevate	BI 12/13	Hyfforddiant mentoriaid cymar
Nyrs ysgol	Grwpiau blwyddyn	Cefnogaeth bwrpasol
Miri Hughes (Urdd)	BI 7	Clybiau amser cinio
	Amryw	Grŵp Balch
Joseff Jones	Amryw	Ymgysylltu â bechgyn
YMCA	Grwpiau blwyddyn	Cymorth Gofalwyr Ifanc
CAVDAS	Cefnogi disgyblion/teuluoedd sydd â dibyniaeth ar gyffuriau neu alcohol	
Barnardo's	Amrywiol	Gweithdai cymorth

Rydym wedi elwa o hyfforddi ein myfyrwyr hŷn fel mentoriaid cymar sy'n cefnogi disgyblion sy'n teimlo bod bywyd ysgol yn anodd. Fe wnaethom barhau â'n gwaith gyda Mrs Elen Hughes fel ymarferydd iechyd meddwl yr ysgol.

Mae "Ystafell Keri" (ein hwb lles i fyfyrwyr), yn cynnig cymorth pwrpasol sy'n cynnwys ymyriadau grŵp fel 'Disgybl Ffrwydrol', 'ELSA', therapi lego, *Talkabout*, *Thrive*, sy'n gysylltiedig ag Iechyd Meddwl, Therapi Celf, Byw'n Iach a Ffitrwydd yn ogystal â darpariaeth cwricwlwm amgen ac ymweliadau gan Cosmo – ein ci lles.



Cyfweliadau ar Radio Cymru adeg etholiad y Senedd

Mae Mrs Bethan Rees, (ein swyddog gweinyddol a chymorth i deuluoedd) wedi datblygu cysylltiadau cymunedol gwerthfawr. Mae'r rhain yn cynnwys ein mentrau cymorth fel: "siop" gwisg am ddim ar Facebook; dileu rhwystrau i deuluoedd agored i niwed; parseli bwyd; adnoddau addysgol a deunydd ysgrifennu ar gyfer disgyblion a theuluoedd PYaDd; C-Cerdyn YMCA Caerdydd (Bl.10-13) cyflenwad cyfrinachol o gondomau; cynhyrchion mislif am ddim; cefnogaeth i ofalwyr ifanc a nifer pwrpasol o ddarpariaethau ar gyfer grwpiau o ddisgyblion. Roeddem yn falch iawn o barhau â'n partneriaeth ag Eglwys Sant Teilo, gan gynnig parseli bwyd a chefnogaeth ymarferol i deuluoedd.

Rydym hefyd wedi bod yn falch iawn bod ein grŵp Balch (grŵp disgyblion LGBTQ+) dan arweiniad Miri o'r Urdd wedi cwrdd yn rheolaidd ac wedi mwynhau cymryd rhan yn nigwyddiad dathlu blynyddol *Cymru Balch* yng Nghaerdydd ym mis Mehefin.

Diogelu: Fe wnaethom gynnal ein Noson Wybodaeth Diogelu flynyddol i rieni mewn partneriaeth â *Everyone's Invited*. Roedd yn gyfarfod yn ffocysu ar gyfathrebu ar-lein a pheryglon mae ein pobl ifanc yn eu wynebu drwy ddyfeisiadau digidol. Rydyn yn parhau â'n bwletinau diogelu misol i rieni, gan dynnu sylw at agwedd wahanol ar gadw plant a phobl ifanc yn ddiogel.

Yn ystod tymor yr Hydref, cwblhaodd holl ddisgyblion Glantaf holiaduron a gyfrannodd at y Rhwydwaith Ymchwil Iechyd Ysgolion (SHRN). Mae'r ymchwil genedlaethol hon yn rhoi dadansoddiad o brofiad, ymddygiad ac agweddau disgyblion ac yn cymharu ysgolion unigol â chyddestun Cymru gyfan. Mae'r ymatebion a'r adroddiad a dderbyniwyd yn rhoi syniad da o feysydd cryfder a meysydd y bydd angen sylw arnynt, y byddwn yn canolbwyntio arnynt yn ein Cynllun Gwella Ysgol. Roedd yn braf nodi cynnydd yn sgoriau ymddiriedaeth disgyblion yn y cymorth sydd i'w gael o fewn yr ysgol. Mae'r holiadur yn dangos cynnydd cryf dros amser o ran agweddau at les o fewn yr ysgol, er bod meysydd datbygu hefyd yn dod i'r amlwg. Ardaloedd a amlygwyd ar gyfer ein sylw yw: magu hyder a grymuso merched yn ogystal â delio â safbwyntiau eithafol a niweidiol o ragfarn. Rydym yn edrych ymlaen at weithio gyda'n cydweithwyr ym Mhlasmawr a Bro Edern i wynebu rhai o'r materion hyn gyda'n gilydd.

Protocol Tân a Llwyrgloi: Fe wnaethom adolygu ein protocol tân a llwyrgloi gan wneud gwellianau yn ôl yr angen.

Ymweliadau Diogelu ac Awdit 360: Eleni, roeddem yn falch iawn o gwblhau awdit cyflawn diogelu 360 Cyngor Sir Caerdydd sy'n weithgaredd ysgol gyfan gwerthfawr iawn i fesur darpariaeth ac effeithiolrwydd ein systemau. Bydd hyn yn digwydd yn flynyddol o hyn allan ac mae'r broses yn cynhyrchu cynllun gweithredu effeithiol i'r ysgol unigol. Cynhaliwyd ymweliad diogelu cymar rhwng BroPlasTaf ac fe wnaeth ymweliadau cyswllt ein Llywodraethwr Diogelu, rymuso ymhellach ein arbenigedd a'n darpariaeth.

Defnydd Ffônau Symudol: Mewn ymateb i'r twf o gamddefnyddio ffôn symudol, gan gynnwys defnydd amhriodol o gyfryngau cymdeithasol a bwlio ar-lein, fe wnaethom werthuso ein polisi ac



rydym ar fin gwneud addasiadau pellach er mwyn addysgu a diogelu disgyblion. Bydd y polisi Gat i Gat yn gosod disgwyladau mwy eglur i blant ac yn cefnogi disgyblion i fwynhau cyfathrebu a chyswllt wyneb yn wyneb yn hytrach na syllu a chanolbwyntio ar sgrin.

Darpariaeth Bwyd a Diod

Eleni, penderfynodd Corff Llywodraethu Glantaf i ymgymryd a chyfrifoldeb y Gwasanaeth Arlwygo, ac i geisio gwella'r gwasanaeth drwy gyfres o fuddsoddiadau strategol, nad oedd yn digwydd dan arweiniad y Gwasanaeth Sirol. Mae Glantaf yn ffodus i elwa o dîm profiadol ac effeithiol iawn o staff arlwygo o dan arweiniad Ms Serina Shepherd a Mrs Julie Burns. Er gwaethaf maint bychan ein cegin a'n hardal fwyta, rydym wedi cynnig darpariaeth lawn i fyfyrwyr trwy gydol y flwyddyn. Mae ffreutur Glantaf "*Caffi'r Taf / Tŷ Gwydr*" yn gweini mwy o brydau poeth nag ysgolion tebyg, ac mae'r amseroedd ciwio yn cael eu rheoli'n dda. Mae'r ddarpariaeth arlwygo yn yr ysgol yn parhau i fod yn boblogaidd gyda disgyblion, gyda gwerthiant cryf o'r opsiwn 'pryd bwyd' dyddiol, am bris o £3.55. Dyfarnwyd gradd 5 i Glantaf ar gyfer safonau hylendid yn 2024 ac eto yn Tachwedd 2025. Mae gennym 3 ffynnon dŵr oer, sy'n darparu dŵr am ddim i ddisgyblion a staff, nid yw poteli plastig bellach yn cael eu gwerthu ar y safle. Rydym yn parhau i ddefnyddio'r system talu heb arian parod i gael gwasanaeth effeithlon. Yn dilyn ein profiad eleni, byddwn yn ymestyn y ddarpariaeth yn Medi, i gynnwys Caban Gwasanaeth Bwyd ar yr Iard, ac yn ehangu dewis ar y fwydlen yn sgil barn disgyblion.

Cymorth Canolfan Ethni / ADY (Atodiad B ac C)

Gweler Atodiad B ac C am adroddiad manwl ar ein cymorth a'n gweithgarwch ADY gan Bennaeth Cynorthwyol / Arweinydd Canolfan Ethni, Mrs Bethan Davies a'n Dirprwy Bennaeth / CADY, Mrs Catrin Arnopp.

Llais Disgybl a Prif Swyddogion

Etholwyd aelodau Senedd yr Ysgol yn nhymor y gwanwyn ac maent wedi gallu rhoi persbectif disgybl ar faterion ysgol gyfan.

Lansiwyd ein rhaglen Mentora Cyfoedion lle mae disgyblion hŷn yn cefnogi disgyblion ym mlwyddyn 7-8 yn ystod tymor yr hydref. Cawsom ein calonogi hefyd gan y niferoedd uchel o wirfoddoli yn Bl. 12 a 13 yn ein ymyriadau llythrennedd a rhifedd. Ymrwymodd dros 100 o fyfyrwyr 6ed Dosbarth



*Romilly, Gruff, Menna a Genevive
Prif-Swyddogion 2026*

wersi rhydd i weithio un-i-un, i wella oedran darllen disgyblion, a gweithio trwy ymarferion rhifedd. Mae adborth myfyrwyr o'r sesiynau hyn wedi bod yn hynod gadarnhaol.

Byddwn hefyd yn canmol arweiniad a chyfraniad ein Prif Swyddogion eleni, boed hynny trwy gyfarfodydd Corff Llywodraethol neu drafodaethau anffurfiol ar ddigwyddiadau elusennol a gwelliannau ysgol. Ein diolch a'n dymuniadau gorau i Megan Jones, Ollie Weekley, Osian Looker a Libby Morgan, prif swyddogion 2025 ac rydym yn dymuno'n dda i'w holynwyr, Menna Evans, Romilly Bennett, Gruff Davies a Genevive Miles ar gyfer 2026.

Gweithgareddau Allgyrsiol

Un nodwedd o gymuned Glantaf yw ehangder a chyfoeth ein gwaith allgyrsiol. Mae wedi bod yn hynod galonogol gweld ehangder y gweithgarwch yn ystod y flwyddyn ddiwethaf a oedd yn cynnwys:

- Ymweliad preswyl Bl11-13: Celf a Dylunio â Llundain ac ymweliad dydd i Rydychen
- Taith preswyl pêl-droed Bl. 9 i Barcelona
- Taith Hanes i'r Ffesydd Rhyfel Byd Cyntaf ac Ypres (Bl9)
- Gweithdy TGCh Cisco i ferched Bl 7



Ysgol Gyfun Gymraeg Glantaf

- Taith Sgïo i Zell-am-See, Awstria
- Cystadleuaeth Siarad Cyhoeddus Rotari BI12&13
- Ymweliad Hanes BI13 â Phrifysgol Abertawe
- Taith preswyl BI. 7 Llangrannog
- Taith maes Addysg Awyr Agored BI 10
- Gŵyl Rygbi Cyffwrdd Glantaf
- Cwrs preswyl y Ganolfan i Pentre Ifan
- Cwrs preswyl Pêl-rwyd BI 7, 8 a 10 i Liddington
- Disgo Calan Gaeaf BI 7 GYTS
- Cynhadledd Meddygaeth a Deintyddiaeth CYDAG
- Cwrs preswyl Safon Uwch Llenyddiaeth Gymraeg yng Nglanllyn / Prifysgol Aberystwyth
- Gweithdy troseddeg i fyfyrwyr BI12/13 ym Mhrifysgol Met Caerdydd
- Ffair Nadolig BI 10 fel rhan o Fagloriaeth Cymru
- Perfformiadau Côr Bois Glantaf ar raglen Britain's Got Talent, yn Gala Nadolig F1; cyngerddau amrywiol yn Eglwys Gadeiriol Llandaf, cynhadledd Estyn yn y Gyfnewidfa Lo, Cyngerdd ffarwel tim Gemau'r Gymanwlad Cymru a noson wobrwyo Radio Nation yn Neuadd y Brangwyn.
- Llwyddiant yng nghystadlaethau blynyddol Joutes Scolaires ac Anthea Bell (cystadlaethau llafar a chyfieithu Ffrangeg)
- Teithiau maes Daeryddiaeth i Margam a Glanllyn
- Cwrs preswyl grŵp Addysg Awyr Agored BI. 9 yng Nghanolfan Storey Arms
- Ymweliad BI 7 *Coron Gwlad* â Pharc Treftadaeth y Rhondda
- Cyngerdd Cerddorfa Clwstwr Glantaf BI 5-13
- Cerddorfa Unedig Ysgolion Cyfrwng Cymraeg De Cymru yn Neuadd Hoddinott
- Ymweliadau Drama a Theatr amrywiol: *Romeo & Juliet*, Theatr Genedlaethol Cymru; *Playing Burton*, Matthew Rhys; *Mary Poppins*, Celfyddydau mynegiannol; *Our Town*, National Theatre of Wales; *Pride*, National Theatre; *Thespians*, Theatr Mischief.
- Alldaith Gwobr Dug Caeredin ar gyfer BI. 9 yn Nyffryn Gwy (Efydd) ac ar gyfer BI. 10 ar Benrhyn Gwyr (Arian)
- Coffáu Diwrnod y Cofio yn Llandaf gyda'r Senedd Ysgol
- Colège St Gilles, Nantes ar weithdai addysg gorfforol a Ffrangeg
- Gweithdai UCAS BI12 ym Mhrifysgol Met Caerdydd
- Cystadleuaeth *Debate Mate* BI. 9 (Saesneg)
- Digwyddiad codi arian Gŵyl Glantaf ar gyfer Eisteddfod Bro Wennynen



Enillwyr y Gadair a'r Goron, Eisteddfod 2026

Roeddem yn falch iawn o groesawu ymwelwyr a sefydliadau partner i'r ysgol a oedd yn cynnwys:

- Eluned Morgan AS, Prif Weinidog Cymru ac un o griw cyntaf cyn-ddisgyblion Glantaf yn 1978.
- Yr actor a chyflwynydd Radio Cymru, Shelley Rees-Owen
- Mabon ap Gwynfor, Gweinidog Iechyd, Llywodraeth Cymru
- Lleucu Non, artist a beirniad Arddangosfa Gelf Glantaf 2026
- Aelodau o dim Rygbi Fiji
- Cynrychiolwyr o Gynhadledd Addysg Rhyngwladol, BELMAS
- Ymwelwyr o Ysgolion yn Nigeria, Lesotho a Japan
- Dros 20 o gyflogwyr fel rhan o Lansio Fforwm Busnes a Ffau'r Dreigiau yn dilyn her fusnes "Pentref Taf"
- Anna McMorris AS
- Gyrfa Cymru a gweithdai gyrfaedd ar gyfer pob grŵp blwyddyn
- Cyfweiliadau gyrfa unigol Gyrfa Cymru gyda myfyrwyr BI11



Ymweliad Gweinidog Iechyd Llywodraeth Cymru a Glantaf



Roedd yn bleser cymryd rhan yn Eisteddfod Genedlaethol yr Urdd yn Ynys Mon yn ystod Gwyliau'r Sulgwyn. Roedd myfyrwyr Glantaf yn amlwg mewn sawl cystadleuaeth, ac rydym yn diolch i'r holl ddisgyblion a gynrychiolodd yr ysgol gyda chymaint o egni a staff am eu hyfforddi a'u cefnogaeth. Roedd llwyddiannau Glantaf yn niferus wrth i fyfyrwyr ddod i'r amlwg yn y cystadlaethau ar y prif lwyfannau. Enillwyr Medalau Aur: Detholiad o Ddrama Gerdd; Côr Bechgyn Hyn; Grŵp Jazz Ensemble Hyn; Cor SA Iau; Owen Frohawk (Unward chwythbrennau Iau) Steffan John, (Unawd Offer Taro Hyn); Ben Manville Parry (Unawd Telyn AC Unawd Guitar Iau); Edryd Collins (Unawd Llinynol Iau). Enillwyr Medalau Arian: Côr Cerdd Dant Hyn; Cor SA Hyn; Ensemble Offerynnol BI 7-9; Ensemble Lleisiol BI 7-9; Parti Merched BI 7-9; Cor Bechgyn Iau; Rhys Evans (Llefaru Iau); Tom Davies (Piano Hyn); Mari Fflur Thomas (Dawns Werin Hyn); Efydd: Côr SATB; Deuawd Offerynnol BI 7-9; Mali Grug, (Monolog BI7-9). Diolch i'r holl fyfyrwyr a gystadlodd gyda'r fath raen yn y gwahanol gystadlaethau – rydym mor falch o'ch perfformiadau, medal neu beidio - roedd eich perfformiadau yn ysbrydoliaeth ac yn lwyddiant aruthrol!

Fe wnaethom hefyd fwynhau dod at ein gilydd ar gyfer ein Cyngerdd Nadolig ym mis Rhagfyr yng Nghapel y Tabernacl ar yr Aes lle codwyd £1,426 ar gyfer Elusen Digartrefedd y Tabernacl, *Y Ganolfan Glyd*. Roedd safon y perfformiadau yn aruthrol a braf nodi mai dyma'r nifer mwyaf erioed o ddisgyblion a gymerodd ran yn yn ein Cyngerdd blynyddol - dyma osod y naws perffaith ar gyfer cyfnod y Nadolig.



Casgliad tuag at Y Ganolfan Glyd

Eisteddfod yr Ysgol

Cynhaliwyd Eisteddfod yr Ysgol yn y Ganolfan Chwaraeon Genedlaethol yng Ngerddi Sophia, ac roedd yn ddiwrnod llawn hiwmor ac egni. Enillodd *Dyfrig* brif darian yr Eisteddfod a chafodd *Dewi* eu coroni'n fuddugol yng nghystadleuaeth y côr, ond yr enillwyr go iawn oedd pawb a berfformiodd ar y llwyfan a mwynhaodd ddathliad o ddiwylliant Cymru. O ddatganiadau, dawns, drama, cân ac arddangosfa gymnasteg, fe wnaethom fwynhau perfformiadau cofiadwy. Llongyfarchiadau arbennig i Owen Gould (BI. 12) ac (am yr ail dro!) Erin Richards (BI 9) ar ennill Coron yr Eisteddfod (Rhyddiaith Saesneg), a Cadi Dafydd (BI12) a Rhys Llywelyn (BI 8) ar ennill Cadair yr Eisteddfod (Gwobr Hyn ac Iau). Yn olaf, diolch i arweinyddiaeth a chreadigrwydd ein Chweched Dosbarth – da iawn a *diolch* am eich cyfraniadau gwerthfawr!

Sioe Gerdd Oli!

Roedd ein Sioe Gerdd *OLI!*, a lwyfannwyd ym mis Tachwedd yn gynhyrchiad bywiog, hwyliog ac egniol. Roedd perfformiadau myfyrwyr yn rhagorol ac roedd aeddfedrwydd ac egni y cast cyfan a'u hymgysylltiad â'r gynulleidfa yn amlwg. Llongyfarchiadau mawr i'r holl ddisgyblion a gymerodd ran mor wych, boed hynny ar y llwyfan, fel rhan o'r band neu'r grŵp goleuo a sain a'r criw cefn llwyfan, gyda chefnogaeth dda gan athrawon a staff Glantaf. Roedd yn bleser arbennig cael ail-fwynhau rhannau o'r perfformiad yn y detholiad Sioe Gerdd yn yr Eisteddfod yn Sir Fon, a chael medal aur yn goron ar y cyfan!

Arddangosfa Gelf

Cynhaliwyd arddangosfa boblogaidd ein gwaith Celf blynyddol, sy'n canolbwyntio ar bortffolios disgyblion o Flwyddyn 11-13 ar ddiwedd tymor yr haf. Roedd yr arddangosfa amrywiol, lliwgar ac ysgogol yn uchafbwynt arall y flwyddyn ac roedd yn bleser arbennig croesawu'r artist, Lleucu Non i Glantaf fel beirniad. Llongyfarchiadau i Emily Azzopardi, Blwyddyn 12 – ein enillydd o wobwr Celf Corff Llywodraethol Glantaf!



Enillydd Gwobr Gelf 2026 Emily Azzopardi a'r beirniad, Lleucu Non



Llwyddiannau Chwaraeon (gweler Atodiad D)

Ym Medi cynhaliwyd ein Noson Wobrwyo Chwaraeon flynyddol lle roeddem wedi llongyfarch myfyrwyr gyda'n gwobrau am gyfraniad yn 2024/25:

Lloyd Lucas (Rygbi)	Gwobr Peter Manning
Mali Newis (Pêl-rwyd)	Gwobr Gaynor Jones
Iona Roderick (Hoci)	Gwobr Jan Robinson
Tom Prickett (Pel droed)	Gwobr pel-droed
Mabli Phillips	
Catrin Thomas	
Elen Blackmore / Macsen Martins-Hughes (Athletau)	
Olivia Rawnsley (Chwaraeon Merched)	
Ioan Dixon (Chwaraeon Bechgyn)	
Megan Elin Jones (Gwobr Chwarae Teg)	

Tim XV Cyntaf: Pencampwyr Cymru!



Personoliaeth Chwaraeon Hŷn y Flwyddyn
Personoliaeth Chwaraeon Iau y Flwyddyn
Gwobr Dai Williams
Gwobr Brenda Goodfellow
Gwobr Keri Evans
Gwobr Malcolm Thomas

Ar ddechrau'r flwyddyn newydd, edrychwn ymlaen at ddathlu cyflawniadau eleni yn ein Noson Wobrwyo Chwaraeon Flynyddol – y dyddiad yw: **17 Medi 2026**

O ran Gwobr Dug Caeredin, gwelwyd cynnydd rhyfeddol yn y niferoedd sydd wedi ymgymryd a'r her a hynny dan arweiniad Mr Mathew Pritchard, Anogwr Dysgu'r Chweched Dosbarth. Cwblhaodd 127 o fyfyrwyr y Wobr Efydd yr haf hwn (dros dwbwl y nifer yn 2024!), ac rydym wrth ein bodd bod 70 o fyfyrwyr eraill wedi cwblhau'r Wobr Arian. Roedd nifer o fentoriaid Chweched Dosbarth yn ffactor arwyddocaol wrth ymestyn y Wobr yng Nglantaf eleni ac y bydd nifer ohonynt yn anelu i gwblhau'r Wobr Aur.

Gwisg ysgol

Fe wnaethom adolygu ein darpariaeth gwisg ysgol ac atgoffwn bod yr ysgol yn parhau â'n gwasanaeth ailgylchu prysur a rhad ac am ddim sy'n cynnig gwisg o ansawdd da. I gyfrannu neu fanteisio ar y cynnig hwn, cysylltwch â'n tudalen Facebook / derbynfa. Roeddem hefyd yn hynod ddiolchgar am y cyfraniadau caredig tuag at ein cymorth Dawns Ffarwel ar gyfer B11 a B13 a alluogodd ni i gefnogi myfyrwyr i ymuno yn eu Dawns Ffarwel diwedd blwyddyn.

Cymorth elusennol

Rydym bob amser yn falch o'n cyfraniad i gefnogi elusennau bob blwyddyn. Er hyn, eleni cafwyd ymateb rhyfeddol o arbennig at ein ymgyrch Ras Hwyl a gafodd ei ysbrydoli gan dair merch ym M1 7 Sofia, Mali ac Elsi. Cawsant y syniad o gynnal digwyddiad i gefnogi Ysbyty Felindre a Canolfan Maggie's ac yn dilyn cynnal gwasanaeth i bob blwyddyn a her codi arian, ymatebodd cymuned Glantaf gan godi dros £25,000 ar gyfer yr achosion da. Cafwyd dydd rhagorol gyda disgyblion yn rhedeg i gefnogi aelod o'u teulu neu ffrind sy'n wynebu heriau caled o salwch.



Cyflwyno sicr rhyfeddol o £25,000 i Ysbyty Felindre, Capten Tim Rygbi Cymru, Dewi Lake gyda Elsi, Sofia a Mali.

Gwelsom ymateb cadarnhaol eto i'n ymgyrchoedd eleni a oedd yn cynnwys:

Taith gerdded nodedig Chweched ar gyfer Kidney Wales ac Oasis Cymru (£2,904)
Hamperi Nadolig i deuluoedd lleol
Casgliad Cyngerdd Nadolig i'r Ganolfan Glyd, Capel Tabernacl, yr Ais
Bore Coffi MacMillan
Dangos y Cerdyn Coch i Hiliaeth

Ymwybyddiaeth Dydd y Llyfr; Diwrnod Rhyngwladol y Menywod; Iechyd Meddwl Dynion (Young Minds); Datliadau Blachder
Sanau Od ar gyfer *Diwrnod Rhyngwladol Syndrom Down*

Cynllun Gwella Ysgol 2026-28

1. Gwella Cynnydd Disgyblion

Yn ystod y flwyddyn ddiwethaf, rydym wedi parhau i ganolbwyntio ar ddatblygu medrau llythrennedd ar draws y cwricwlwm, gan roi pwyslais arbennig ar ddarllen ac ar lafared. Ein nod oedd datblygu hyder disgyblion i ddefnyddio'r Gymraeg yn naturiol mewn sgysiau anffurfiol, yn ogystal â gwella rhuglder darllen a meithrin mwynhad o ddarllen. Mae ein prosesau hunanwerthuso yn dangos bod y strategaethau hyn wedi cael effaith gadarnhaol ar safonau disgyblion, gyda mwy o hyder wrth gyfathrebu, gwell dealltwriaeth wrth ddarllen, a mwy o ymgysylltiad â thestunau ar draws y cwricwlwm.

Parhawyd i ddatblygu ein dulliau o asesu byw drwy ganolbwyntio ar ansawdd cwestiynu mewn gwersi. Mae hyn wedi galluogi athrawon i gael dealltwriaeth ddyfnach o gynnydd disgyblion ar y pryd er mwyn galluogi addasu eu haddysgu yn briodol i ddiwallu anghenion unigolion. Mae'r gwaith hwn wedi bod yn elfen allweddol o'n hymagwedd Addysgu Disgybl Ganolog, gan sicrhau bod penderfyniadau addysgu yn cael eu llywio'n gyson gan dystiolaeth o ddysgu disgyblion.



Morio canu: Eisteddfod Ysgol 2026

Yn ogystal, rydym wedi adolygu a datblygu elfennau o'r cwricwlwm, yn enwedig ym maes Iechyd a Lles, lle mae ein hunanwerthuso yn dangos effaith gadarnhaol ar brofiadau disgyblion, er mae dal enghreifftiau o anghysondeb i'w gwella yn 26/27. Bu gwaith sylweddol hefyd i weithredu'r newidiadau i gymwysterau TGAU, yn enwedig ym mhynciau Ton 1. Er bod y broses o gydbwysu gofynion yr asesiadau newydd yn parhau'n her, mae adrannau wedi gwneud newidiadau sylweddol i'w darpariaeth, gan sicrhau bod profiad disgyblion ar draws y cwricwlwm yn cael eu hystyried.

2. Gwella Lles Dysgwyr

Yn ystod y flwyddyn ddiwethaf, rydym wedi canolbwyntio ar gryfhau cysondeb ein strategaethau i wella ymddygiad cadarnhaol ar draws yr ysgol. Mae sefydlu'r Ystafell Adlewyrchu wedi bod yn llwyddiant, gan ddarparu gofod effeithiol i ddisgyblion fyfyrion ar eu hymddygiad, deall effaith eu gweithredoedd a chael cymorth i wneud dewisiadau mwy cadarnhaol yn y dyfodol. Mae ein prosesau hunanwerthuso yn dangos bod hyn wedi cyfrannu at well cysondeb yn ein dulliau o gefnogi ymddygiad a lles.

Mae'r prosiect Ymbweru Merched wedi parhau i gael effaith sylweddol. Yn ogystal â'r profiadau eithriadol a gafodd y disgyblion a fu'n rhan o'r ymweliad â Malaysia, mae effaith y prosiect wedi ymestyn ar draws yr ysgol drwy weithdai, gweithgareddau ac ymgyrchoedd sydd wedi hyrwyddo cydraddoldeb, hyder ac arweinyddiaeth ymhlith ein dysgwyr.



Pencampwyr Pel-droed Sir dan 15

Bu ffocws penodol hefyd ar gryfhau rôl y Tiwtor Personol fel y prif bwynt cyswllt ar gyfer cefnogi lles disgyblion. Mae canlyniadau diweddar Arolwg SHRN yn dangos bod mwy o ddisgyblion yn teimlo bod aelodau o staff yn gwrando ar eu barn ac yn eu parchu, gan adlewyrchu effaith gadarnhaol y gwaith hwn ar berthnasoedd a lles o fewn y gymuned ysgol.

Yn olaf, rydym wedi parhau i roi pwyslais ar gynyddu'r defnydd o'r Gymraeg mewn sefyllfaoedd anffurfiol o amgylch yr ysgol. Mae ein hunanwerthusiadau, ynghyd ag adborth arolwg Estyn, yn dangos cynnydd sylweddol yn y maes hwn. Er hynny, rydym yn cydnabod bod newid arferion ieithyddol yn broses hirdymor, a bydd datblygu hyder disgyblion i ddefnyddio'r Gymraeg yn naturiol yn parhau'n flaenoriaeth allweddol dros y blynyddoedd nesaf.

3. Gwella Arweinyddiaeth

Yn ystod y flwyddyn ddiwethaf, mae'r strwythur arweinyddiaeth dros dro wedi sicrhau parhad yn y safonau uchel a sefydlwyd dros y blynyddoedd diwethaf, gan ddarparu cyfleoedd gwerthfawr i nifer o aelodau staff ddatblygu eu sgiliau a chymryd cyfrifoldebau arwain newydd. Cafodd y dull hwn ei ganmol yn ystod arolygiad Estyn, ac mae ei effaith wedi cael ei fonitro'n agos gan is-bwyllgor o'r Corff Llywodraethu, gan sicrhau trefniadau cadarn ar gyfer atebolrwydd a datblygu arweinyddiaeth.

Bu'r ysgol hefyd yn llwyddiannus wrth weithredu rhaglen ddatblygu ar gyfer arweinwyr canol, sydd wedi cryfhau gallu arweinyddiaeth ar draws yr ysgol. Bydd y rhaglen hon yn parhau yn ystod 2026–27 ac yn cael ei datblygu ymhellach er mwyn paratoi mwy o staff ar gyfer rolau arwain i'r dyfodol.

Parhawyd i fuddsoddi yn yr amgylchedd dysgu drwy nifer o brosiectau i wella'r campws. Mae'r rhain wedi cynnwys gosod llochesi newydd, ailwrpasu nifer o ystafelloedd yn ofodau addysgu ar gyfer Canolfan Ethni. Bydd y gwaith hwn yn parhau yn ystod 2026–27 wrth i ni baratoi ar gyfer agor adeilad newydd Canolfan Ethni, a fydd yn gam pwysig yn natblygiad darpariaeth yr ysgol. Bydd gwaith gwellianau safle yn digwydd gydol y flwyddyn mewn ymateb i'r gwarged yn 25/26, sy'n deillio gan fwyaf o niferoedd disgyblion yn cynyddu a chostau staffio llai na'r rhagamcan gwreiddiol.

Mae'r ysgol bellach wedi sefydlu a rhedeg ei gwasanaeth arlwyo ei hun yn llwyddiannus, gan gryfhau rheolaeth dros ansawdd y ddarpariaeth a'r gwasanaeth i ddisgyblion. Hefyd, cwblhawyd y rhan fwyaf o'r gwaith o drosglwyddo system rheoli data'r ysgol i lwyfan newydd Arbor. Mae'r newid hwn wedi golygu addasu nifer o brosesau gweinyddol ac addysgol ar draws yr ysgol, ac er bod y mwyafrif o'r gwaith bellach wedi'i gwblhau, bydd y camau olaf o'r trosglwyddo yn cael eu gweithredu yn ystod blwyddyn academaidd 2026–27.

I gloi,

Ar ddiwedd y flwyddyn brysur a chynhyrchiol hon, hoffwn ddiolch yn ddiffuant i'r plant am eu cwmni, eu hiwmor a'u cyfraniad gwerthfawr, i'r staff am eu hegri, eu creadigrwydd a'u hymrwymiad ac i chi fel rhieni a'r gymuned ehangach am eich cefnogaeth diflino i'n hysgol.

Edrychaf ymlaen at weithio gyda chi mewn partneriaeth agos yn y blynyddoedd i ddod,

Yn gywir



Matthew H T Evans
Pennaeth Gweithredol



Gaith maes Daearyddiaeth Bl 12: Cwm Idwal

**Aelodaeth o'r Corff Llywodraethol**

		<u>Etholedig</u>	<u>Diwedd</u>
Cymuned			
Cadeirydd	Iona Edwards	13/05/2025	12/05/2029
Is - gadeirydd	Tamsyn Ramasut	01/09/2024	31/08/2028
	Sian Smith	11/11/2022	10/11/2026
	Simon Williams	18/10/2022	17/10/2026
	Eleri Morgan	08/07/2025	07/07/2029
AALL			
	Sarah Rawnsley	27/06/2025	26/06/2029
	Jennifer Burke	27/06/2025	26/06/2029
	Ian Speakman	30/06/2023	29/06/2027
	Karin Phillips	29/03/2023	28/03/2027
	Gwyndaf Jones	26/06/2026	25/06/2030
Rhiant			
	Gareth Barham	05/12/2022	04/12/2026
	Angharad Naylor	05/12/2022	04/12/2026
Is - gadeirydd	Aled Walters	21/11/2022	20/11/2026
	Bethan Webber	21/11/2022	20/11/2026
	Natalie Drury-Styles	30/06/2025	29/06/2029
	Mari Williams	30/06/2025	29/06/2029
Pennaeth Gweithredol			
Pennaeth Ysgol	Matthew Evans	01/09/2020	-
	Dyfrig Rees	dim pleidlais	
Staff Addysgu			
	Sian Bradley	12/07/2024	11/07/2028
	Tegid Richards	03/10/2023	02/10/2027
Staff cymorth			
	Rhian Maitland	01/10/2024	30/09/2028
Heb bleidlais			
Clerc i'r Llywodraethwyr	Melanie Spearey	dim pleidlais	-

Ein Partner Cydweithredol o Gyngor Dinas Caerdydd yw Mr Geraint Lewis.

Gallwch gysylltu â Chadeirydd y Llywodraethwyr, Mrs Iona Edwards drwy gysylltu â'r brif swyddfa ar 029 20 333090 neu drwy e-bost yn ysgolgyfunglantaf@caerdydd.gov.uk



*Gwasanaethau Nadolig 2025
Eglwys yr Holl Saint*

**Data Presenoldeb Ysgolion 2025-26 Tymor yr Haf (01/09/25 tan 31/05/26)***(Ffigurau 2024/25 mewn cromfachau)*

	Presenoldeb % 2025-26	2024-25	Absenoldeb awdurdodedig % 2025-26	Absenoldeb anawdurdodedig % 2025-26
Blwyddyn 7	95.3	(95.3)	4.19	0.51
Blwyddyn 8	93.98	(93.9)	5.27	0.76
Blwyddyn 9	93.75	(93.7)	5.91	0.34
Blwyddyn 10	93.99	(92.8)	5.30	0.71
Blwyddyn 11	90.40	(87.0)	6.47	3.13
Cyfanswm:	93.62	(92.5)	5.33	1.05

Mae ein Swyddog Presenoldeb, Mrs Lisa Harrison yn cysylltu â theuluoedd i gefnogi dysgwyr yn ôl i'r ysgol sydd wedi arwain at well presenoldeb, mae hi bellach yn cael ei chefnogi gan Ms Charlotte Hill sydd yn gweithio gyda Mrs Harrison ar draws ysgolion y clwstwr i ymgysylltu a theuluoedd. Gyda chyfnod o'r Ap *Classcharts* yn dod i ben rydym wedi bod yn gweithio'n galed i baratoi yr Ap newydd, *Arbor*, lle bydd cyfathrebu rheolaidd gyda rhieni am bresenoldeb yn fuan. Fe wnaethom hefyd barhau â system o gyswllt diwrnod cyntaf i leihau absenoldebau anawdurdodedig. Mae'r ysgol wedi mabwysiadu codau presenoldeb a phresenoldeb Cyngor Bwrdeistref Sirol Caerdydd sy'n anelu at leihau absenoldebau a hyrwyddo canrannau uchel o bresenoldeb.

Hyfforddiant Mewnol i athrawon 2025 - 26

Cynhaliwyd 6 diwrnod HMS yn ystod 2025/26. Yn y tabl isod, rydym yn rhestru'r hyfforddiant a'r prif feysydd ffocws

Dyddiad	Thema / ffocws	Darparwr
1 Medi 2025	Paratoi ysgol a Hyfforddiant Blynyddol Amddiffyn Plant Cynllun Gwella Ysgol: Addysgu Disgybl Ganolog Uwch Fedrau Darllen	Ysgol
2 Medi 2025	Paratoi yr ysgol a gwaith adrannol Cynllun Gwella Ysgol Addysgu effeithiol - gweithdai arfer dda ar Asesu Byw; Adborth a ffocws ar gynnydd disgyblion.	Ysgol
1 Hydref 2025	Hyfforddiant traws-glwstwr ar gamau cynnydd o fewn Maes Dysgu a Phrofiad Gweithdai ar ddatblygu arfer dda o fewn y Fframwaith Cymhwysedd Digidol Gweithdai adrannol	Clwstwr Glantaf
5 Ionawr 2026	Hyfforddiant mudo systemau cyfathrebu i lwyfan Arbor Hyfforddiant statudol Prevent Cynllun Gwella ysgol: Adborth Ffurfiannol Gwella ffocws ar lythrennedd	Ysgol
27 Mawrth 2026	Hyfforddiant staff ar gymwysterau TGAU newydd. Rhai pynciau yn derbyn cymorth arweiniad ar adnoddau ar gyfer cymwysterau newydd ar gyfer Ton 1 a Ton 2 Yr adrannau eraill yn gweithio fel rhan o bartneriaeth Bro PlasTaf Rhannu arfer da mewn addysgu a dysgu	CBAC / CYDAG: (pob Ysgol Cyfrwng Cymraeg De Cymru)

20 Gorffennaf 2026	Paratoi cymhwysterau newydd Cynllunio addysgu a chreu adnoddau	Ysgol / BroPlasTaf
-----------------------	---	-----------------------

Mae canran uchel o'n staff hefyd yn gweithio fel arholwyr ar gyfer CBAC (Corff Arholi Cymru) ac felly, maent wedi bod yn rhan o gyrsiau hyfforddi ac asesiadau ar safon TGAU, UG a Safon Uwch. Trwy'r gwaith hwn maent yn derbyn hyfforddiant sgiliau arbenigol ym maes asesu cenedlaethol ac yn aml iawn gallant rannu eu profiadau a'u harbenigedd gyda staff ehangach yr ysgol. Mae'r gwaith hwn hefyd yn dylanwadu'n uniongyrchol ar eu dealltwriaeth o faes asesu cenedlaethol ac felly'n cael effaith ar eu sgiliau addysgu. Gan ein bod yn deall gwerth y gwaith hwn i gymuned yr ysgol, rydym yn awyddus i gefnogi staff i ymgymryd â gwaith o'r fath lle bo hynny'n bosibl a lle nad yw'n gwrthdaro â blaenoriaethau ysgol.

Os hoffech ymateb i'r adroddiad

Yn dilyn canllawiau newydd Llywodraeth Cymru, nid oes angen i'r Corff Llywodraethu gynnal cyfarfod cyffredinol blyneddol i rieni gyda'r Corff Llywodraethu, oni bai bod 5% neu fwy o'r rhieni yn gofyn am gyfarfod o'r fath. Mewn achos o'r fath, byddwn yn galw cyfarfod cyn gynted â phosibl ac yn rhoi gwybod i rieni am y dyddiad. Os hoffech wneud cais o'r fath, yn y lle cyntaf dylech gysylltu â'r Pennaeth, neu Gadeirydd y Llywodraethwyr.

Cysylltwch â ni: Gallwch gysylltu â'r ysgol drwy:

Ffôn: 029 20 333090
E-bost: ysgolgyfunglantaf@caerdydd.gov.uk
Gwefan: <https://www.glantaf.cymru/>

Os hoffech gael copi o'r calendr ysgol neu'r prospectws diweddaraf, cysylltwch â'r Brif Swyddfa ar 029 20 333090.

Mae Ysgol Gyfun Gymraeg Glantaf yn Ysgol Gyfrwng Gymraeg yng Nghyngor Dinas a Bwrdeistref Sirol Caerdydd. Mae'r cwricwlwm yn cael ei gynnal drwy'r ysgol yn gyfan gwbl yn Gymraeg yn CA3, CA4 ac yn CA5.



Taith Celf i Oriolau ac Amgueddfeydd Llundain

Atodiadau

Atodiad A: Cyrchfan ymadawyr Hydref 2025

Atodiad B: Cymorth ADY

Atodiad C: Canolfan Glantaf

Atodiad Ch: Dyddiadau tymhorau ysgol 2026/2027

Atodiad D: Cyflawniadau chwaraeon

Atodiad Dd: Cyllideb Ysgolion: Y ffigurau ariannol terfynol ar gyfer 2025-26



Llwyddiant Corau Hyn: Eisteddfod Mon 2026



Atodiad A: Cyrchfannau pobl sy'n gadael yr ysgol: Hydref 2025

Grŵp Blwyddyn Hydref 2025	Blwyddyn 11		
rhyw	Benyw	Gwryw	Cyfanswm
Categori Cyrchfan	Cyfanswm	Cyfanswm	Cyfanswm
Parhau mewn addysg llawn amser - yr un ysgol	87	71	158
Parhau mewn addysg llawn amser - Ysgol	3	1	4
Parhau mewn addysg llawn amser - Coleg	16	36	52
Parhau mewn addysg llawn amser - AU	0	0	0
Parhau mewn addysg ran-amser	0	0	0
Mynd i gyflogaeth y tu allan i WBYP	1	0	1
Mynd i mewn i WBYP (statws cyflogedig)	3	2	5
Mynd i mewn i WBYP - (heb statws cyflogedig)	2	0	2
Yn gallu mynd i mewn i Emp, Ed neu WBYP (Di-waith)	0	0	0
Methu NEU DDIM YN BAROD i fynd i mewn i Emp, Ed neu WBYP (e.e. oherwydd salwch, dedfryd o garchar)	0	1	1
Ddim yn ymateb i ddilyn i fyny ac felly yn anhysbys	0	1	1
Cyfanswm	112	112	224

Grŵp Blwyddyn Hydref 2025	Blwyddyn 13		
rhyw	Benyw	Gwryw	Cyfanswm
Categori Cyrchfan	Cyfanswm	Cyfanswm	Cyfanswm
Parhau mewn addysg llawn amser - yr un ysgol	0	1	1
Parhau mewn addysg llawn amser - Ysgol	0	0	0
Parhau mewn addysg llawn amser - Coleg	4	1	5
Parhau mewn addysg llawn amser - AU	46	52	98
Parhau mewn addysg ran-amser	3	0	3
Mynd i gyflogaeth y tu allan i WBYP	5	2	7
Mynd i mewn i WBYP (statws cyflogedig)	1	5	6
Mynd i mewn i WBYP - (heb statws cyflogedig)	0	0	0
Yn gallu mynd i mewn i Emp, Ed neu WBYP (Di-waith)	0	2	2
Methu NEU DDIM YN BAROD i fynd i mewn i Emp, Ed neu WBYP (e.e. oherwydd salwch, dedfryd o garchar)	0	0	0
Ddim yn ymateb i ddilyn i fyny ac felly yn anhysbys	8	14	22
I'w ddiweddarau	0	0	0
Cyfanswm	67	77	144



Cor Merched Iau: Tafwyl 2026

**Atodiad B: Adroddiad Blynyddol ADY i'r Corff Llywodraethu Mehefin 2026**

Mae niferoedd dysgwyr sydd wedi eu hadnabod gydag Anghenion Dysgu Ychwanegol (ADY) fel â welir isod.

	CDU ysgol	CDU AALI
BI 7	11	1
BI 8	6	
BI 9	9	
BI 10	1	
BI 11	10	1
Cyfanswm	37	2
BL 12		
BI 13		

Staffio

- Mrs Catrin Arnopp - Dirprwy Bennaeth (CADY)
- Mrs Gwenno Rowlands (Dirprwy CADY) (Athrawes arbenigol anhawterau llythrenedd) Ms Sian Muliuro (Cyfnod mamolaeth)
- Mrs Lisa Marshall (CCD Hŷn Cydlynnydd ac aseswr JCQ)
- Mrs Leanne Thomas (CCD Hŷn Lles)
- Mr Aaron Jones (CCD Hŷn Lles)
- Mr Huw Rees (CCD Hŷn ymyrraeth llythrenedd a rhifedd)
- 11 CCD llawn amser

Datblygiadau ers 2025

- Newid o fewn strwythur arwain a rheoli y ddeddf ADY o fewn yr ysgol. Mrs Catrin Arnopp gyda throsolwg dros y trefniadau ac yn arwain y CADY. CADY yn gyfrifol am staff atodol yr adran.
- Hyfforddiant CADY newydd Awdurdod Caerdydd i SMU.
- Hyfforddiant cefnogaeth lles i CCD Hŷn Lles newydd e.e Thrive/Tree of life/Ci therapi.
- Trosglwyddo gwybodaeth a manylion disgyblion ADY o classcharts i ARBOR e.e proffiliau un tudalen i adnabod anghenion disgyblion o fewn y dosbarthiadau.
- Parhau i fonitro ystafell Keri, Hafan Roger Boore – rhain wedi gwneud gwahaniaeth i'r darpariaeth lles ac ymyrraethau ysgol gyfan.
- Parhau i ddatblygu ymwybyddiaeth am ddarpariaeth newro-wahaniaeth o fewn darpariaeth prif ffrwd ac i fod yn ysgol newro-wahaniaeth gyfeillgar.
- Wedi cyflwyno cynllun darllen mwy dwys i ddisgyblion sydd â thrafferthion darllen yn gyson.
- Parhau i ddatblygu y defnydd o ddarllenydd cyfrifiadurol i arholiadau blwyddyn 10 ac 11 yn defnyddio lleisiau Cymraeg. Cyflwyno'r pecyn i flwyddyn 8 fel ffordd arferol o weithio wrth sicrhau bod gan y disgyblion y teclyn pwrpasol.
- Defnyddio'r rhaglen Edukey yn fwy effeithiol ar draws yr ysgol gyfan er mwyn casglu gwybodaeth ac adborth staff ac hefyd wedi ei ddatblygu ymhellach ar draws y clwstwr i rannu gwybodaeth pontio.
- Adborth arbennig yn dilyn ymweliad Estyn Chwefror 2026 –



Mae staff yn meithrin perthnasoedd gwaith cefnogol a pharchus â disgyblion. Mae eu hymrwymiad i wrando ar farn disgyblion a gweithredu ar faterion lles yn gryfder nodedig. Mae'r ysgol yn teilwra'r ddarpariaeth yn effeithiol i ddiwallu anghenion disgyblion. Mae staff yn 'Ystafell Keri', 'Hafan Roger Boore' a'r ystafell adlewyrchu yn darparu cymorth pwrpasol sy'n galluogi'r ychydig ddisgyblion sydd angen cynhaliaeth ychwanegol i ailymgysylltu â'u dysgu.

Mae trefniadau pontio'r ysgol yn adnabod ac yn cefnogi disgyblion sy'n cyrraedd Blwyddyn 7 â medrau darllen gwan. Defnyddir profion sylfaenol a gwybodaeth gan staff i adnabod y rhai sydd angen cymorth ychwanegol. Mae'r ysgol yn gweithredu strategaethau i sicrhau dull cyson ar draws y clwstwr, gan ganolbwyntio ar ddefnydd priodol o iaith a geirfa bynciol. Yn ogystal, mae ymyraethau yn yr 'Hafan Roger Boore' yn cefnogi disgyblion i ddatblygu eu medrau darllen a chynyddu eu hyder i gymryd rhan mewn gweithgareddau darllen yn y dosbarth.

Mae'r ysgol yn mabwysiadu ymagwedd gynhwysol a chefnogol at ddiwallu anghenion disgyblion ag ADY, gyda'r disgyblion yn teimlo'n ddiogel ac yn ymddiried yn y trefniadau sydd ar waith. Maent yn cael eu hannog i gymryd rhan lawn ym mywyd yr ysgol, ac yn elwa o ystod o weithgareddau allgyrsiol, profiadau tu hwnt i'r ystafell ddosbarth, cyrsiau galwedigaethol a chyfleoedd ôl-16. Mae gan y tîm ADY adnabyddiaeth dda o anghenion disgyblion ag anawsterau dysgu penodol. Mae gan ddisgyblion ag ADY gynlluniau datblygu unigol perthnasol sy'n cael eu hadolygu'n briodol mewn cydweithrediad ag asiantaethau allanol, rhieni a disgyblion. Mae'r ysgol yn hyrwyddo annibyniaeth, dyncwch a sgiliau bywyd ar gyfer disgyblion ag ADY, trwy, er enghraifft, hyfforddiant teithio, medrau cyflogadwyedd a chefnogaeth gan wasanaethau ieuencid.

Mae'r ysgol yn defnyddio data ar lythrennedd, rhifedd a lles emosiynol er mwyn llywio'r ymyraethau mwyaf addas. Mae trefniadau tracio a monitro yn sicrhau bod cynnydd disgyblion yn cael ei adolygu'n rheolaidd, gan alluogi'r tîm i addasu cefnogaeth, yn ôl yr angen.

Camau nesaf

- Newidiadau i staffio ar arweinyddiaeth yn Medi – Hydref yn dilyn penodiadau a dychwelyd o gyfnod mamolaeth
- Parhau i ddatblygu a thyfu llwybrau ymyrraeth llythrennedd a rhifedd, wedi teilwra o amgylch darpariaeth disgybl ganolog.
- Parhau i ddatblygu fel ysgol newro-wahanol gyfeillgar ac i weithio tuag at y wobr Arian Dyslecsia.
- Parhau i ddefnyddio a datblygu system o fonitro ac asesu disgyblion sydd angen eu targedu drwy system Edukey yn fwy effeithlon. Efallai angen newid oherwydd ARBOR.
- Parhau i weithio gyda disgyblion bregus (ABSA) sydd yn cael trafferth mynychu ysgol – trefnu sesiynau ac ymyraethau ac ati iddynt.
- Arbrofi gyda system 'speech to text' i'w ddefnyddio yn y Gymraeg o fewn arholiadau.

Atodiad C: Adroddiad Blynyddol Canolfan Ethni (Canolfan Adnoddau Arbenigol Glantaf) i'r Corff Llywodraethol (Mehefin 2026)

Dyma'r niferoedd o ddysgwyr sydd yn derbyn cefnogaeth yng Nghanolfan Ethni, a'r niferoedd arfaethedig am y flwyddyn nesaf fel a ganlyn:

	2024-25	2025-6	2026-27
BI 7	10	10	12
BI 8	7	10	11
BI 9	2	7	10
BI 10	2	2	7
BI 11	5	2	2
BI 12	2	5	4
BI 13	2	1	3
BI 14	0	1	0
Cyfanswm	30	38	50

Staffio

- Mrs Bethan Davies (Pennaeth Cynorthwyol / Arweinydd y Ganolfan)
- Mrs Mari Jones; Miss Eleri David; Miss Nia Wilson; Mrs Lucy Rolfe (athrawon arbenigol))
- Mrs Gwenllian Mitchell (Athrawes Cynllun Pontio LIC)
- Miss Sophia Mico (Uwch-gymhorthydd y Ganolfan)
- Miss Caitlin Turner; Mr Huw Pritchard; Mrs Carolyn Ford (Uwch CCD)
- Mr Hefin Karadog; Miss Sarah L Jones; Mrs Kirsty Morgan; Miss Seren Bean; Mr Greg Evans; Mr Elis Evans; Miss Rachel Thomas Evans; Miss Ffion Allery; Mr Bryn Wilson; Mr Rhydian Prosser; Mr Kamron Abdo; Mr Gruff Williams.



Datblygiadau ers 2024 – 25

- Canolfan Ethni newydd wedi dechrau cael ei adeiladu
- Dosbarth newydd wedi ei greu yn lle cegin Canolfan Ethni yn barod ar gyfer dosbarth ychwanegol yn mis Medi 2026
- Cwricwlwm 6ed dosbarth yn cael ei lunio a'i ychwanegu ato e.e cymwysterau ASDAN newydd
- Gwethdrefnau monitro Canolfan Ethni wedi eu mireinio ar gyfer y disgyblion e.e creu holiadur 'Llais y disgybl' sy'n gynhwysol
- Sefydlu Cyngor Canolfan Ethni gyda chynrychiolaeth o bob dosbarth
- Rôl Dirprwy Canolfan Ethni wedi ei benodi i ddechrau yn mis Medi 2026
- Defnyddio amser y Seicolegydd Addysg i gomisiynu gwaith ymchwil gan Brifysgol Caerdydd i 'Sut mae ysgolion yn cynnal disgyblion ADY drwy gyfrwng y Gymraeg?'

Cyfleoedd Cyfoethogi

- Menter busnes newydd wedi cychwyn i Flynyddoedd 9-11 yn creu 'Bath Bombs' – disgyblion wedi gwneud elw yn barod!
- Cyrsiau newydd wedi eu hastudio gan y 6ed dosbarth megis 'Symud a Chario' a 'Ymdrin gyda alergeddau' wrth iddynt baratoi ar gyfer y byd gwaith
- Disgyblion Blwyddyn 8 a 9 wedi ennill yr UCAN Arts Award wrth greu podlediad

- Gwobr Dug Caeredin – Cyfle i ddisgyblion Blynyddoedd 9 ac uwch yn Nghanolfan Ethni i geisio am y wobr efydd Dug Caeredin.
- Disgyblion BI 10 – 12 wedi mynychu Cynhadledd Dechnoleg Cymru yng Nghasnewydd.
- Aeth disgyblion BI 9-12 i ymweld a stiwdio Casualty lawr yn y Bae a daeth Steve Swindon o TAPE Cerddoriaeth a Ffilm i wneud gweithdy gyda nhw a chreu sgript gomedi 'The Revenge Of The Sausage Roll'
- Ymweliad gan Andrew Milton o Hangry Animals i wneud gweithdy rhaglen Scratch i BI 8 a 9.
- Llu o ymweliadau i lefydd yn gysylltiedig gyda'n themâu e.e Gwlypdiroedd Llanelli a Casnewydd
- 6ed Canolfan Ethni wedi cael profiad gwaith yn Caffi Lew, Ysgol Melin Gruffydd, Hapus Wales a'r adran Reprograffeg yn yr ysgol.
- Cystadlu yn nhwrnamaint pêl fasged NBA ADY Cymru yn Aberystwyth

Camau Nesaf

- Parhau i gynnal a mynychu cyfarfodydd cyson gyda penseiri ar gyfer yr adeilad newydd. Symud i'r adeilad newydd yn Ionawr 2027
- Parhau i ddatblygu diwylliant Gymreig, annog y disgyblion i siarad Cymraeg drwy wobrywo, nodi a rhoi ymyrraethau mewn lle
- Sicrhau cysondeb Dysgu ac Addysgu Canolfan Ethni wrth i'r niferoedd gynyddu.
- Creu gweledigaeth digidol Canolfan Ethni a sicrhau fod gan bawb fynediad i'r dechnoleg gywir ar gyfer eu hanghenion.
- Egluro cymwysterau mewn ffyrdd mwy gweledol
- Trefnu taith tramor cyntaf Canolfan Ethni i ddisgyblion blynyddoedd 9 a 10 i Paris.
- Sefydlu Caffi Addysgu a Gweithredol fydd yn gynhwysol i blant y Ganolfan.



**Atodiad Ch: Tymhorau a Gwyliau Ysgol Blwyddyn Academaidd 2026/2027**

Dyddiad	Tymor yn dechrau	Gwyliau Hanner Tymor		Diwedd tymor	Dyddiau
		Cychwyn	diwedd		
Hydref 2026	1 Medi 2026	26 Hydref	30 Hydref	18 Rhagfyr 2026	75
Gwanwyn 2027	4 Ionawr 2027	8 Chwefror	12 Chwefror	19 Mawrth 2027	65
Haf 2027	5 Ebrill 2027	31 Mai	4 Mehefin	20 Gorffennaf 2027	55
Cyfanswm:					195

Bydd yr ysgol ar gau i ddisgyblion ar gyfer **HMS** am **6 diwrnod** rhwng dydd Mawrth 1 Medi 2026 a 20 Gorffennaf 2027. Mae'r dyddiadau hyn wedi'u rhestru isod:

Diwrnodau HMS 2026/27

01/09/26
02/09/26
07/10/26
04/01/27
15/02/27
09/04/27

Gwyliau Banc

Dydd Gwener y Groglith, 26 Ebrill 2027
Dydd Llun y Pasg, 29 Ebrill 2027
Dydd Mai, 3 Mai 2027
Gŵyl Banc y Gwanwyn, 31 Mai 2027

Mae copi o galendr yr ysgol ar gael i rieni yn flynyddol o fis Medi neu drwy brif swyddfa'r ysgol ar 029 20 489 445



**Atodiad D: Llwyddiant a chynrychiolaeth chwaraeon**

Mae wedi bod yn bleser gweld chwaraeon tîm yn blodeuo ac maen nhw wedi cael tymor hynod lwyddiannus o chwaraeon cystadleuol fel y mae'r tabl isod yn dangos (nid mewn unrhyw drefn benodol!)

Camp	Ystod oedran Merched (M); Bechgyn (B)	Teitl
Pêl-droed	Bl. 7 (B)	Pencampwyr Cwpan Cymru
	Bl. 9 (M)	Aur, Caerdydd a'r Fro
	Dan 16 (M)	Arian, Cwpan Caerdydd
	8A (M)	Arian, Cwpan Caerdydd
	8B (M)	Aur, Caerdydd a'r Fro
Pêl - rwyd	Bl. 9 (M)	Efydd, Caerdydd a'r Fro
	Bl.10 (M)	Arian, Caerdydd a'r Fro
	Bl.11 (M)	Pencampwyr Caerdydd a'r Fro
	Dan 18 (M)	Efydd, Caerdydd a'r Fro
	Bl7-13	Pencampwyr 'B' y Sir
	Dan 16	Ennill 'Plat' yr URDD
Pêl-fasged	Dan 15 (M)	Pencampwyr, Caerdydd a'r Fro Pencampwyr, De Cymru
	Dan 13 (B)	Pencampwyr Jnr NBA
Rygbi'r Undeb	Dan 14 (M)	Arian, Rhanbarth y Gleision
	Bl. 7 (B)	Pencampwyr, Cwpan Sir Enillwyr, Cwpan Mr Malcolm Thomas, Arian Urdd 7 yr ochr
	Bl. 8 (B)	Pencampwyr, Cwpan y Sir Arian Urdd 7 yr ochr
	Bl. 9 (B)	Pencampwyr Cymru, Pencampwyr URDD 7 bob ochr, Pencampwyr Cwpan Ysgolion Prydain
	Bl. 10 (B)	Pencampwyr King's Worcester 7's, Rownd derfynol cwpan Caerdydd
	XV 1af (B)	Pencampwyr, Ysgolion a Cholegau Cynghair Genedlaethol Pencampwyr, Cwpan Cenedlaethol
Cynghair Rygbi	Bl. 7 (B)	Pencampwyr, Cwpan Cymru
	Bl. 8 (B)	Pencampwyr, Cwpan Cymru



	Bl. 9 (B)	Pencampwyr, Cwpan Cymru
	Bl. 9 (B)	
Gymnasteg	dan 13 (Cymysg)	Pencampwyr Milano Cymru Efydd Llawr a Llofnaid Cymru Arian Milano Prydain
	dan 19 (B)	Pencampwyr Acro Prydain Bechgyn
	Dan 19 (Cymysg)	Pencampwyr, Milano Cymru Pencampwyr Milano Prydain Pencampwyr, ACRO Cymru Pencampwyr, Llawr a Llofnaid Prydain Pencampwyr Acro Prydain Cymysg
	Dan 16 (Cymysg)	Arian, Milano Cymru
Hoci	Bl. 7 (B)	Arian Cwpan Cymru
	Bl. 9 (B)	Pencampwyr De Cymru, Pencampwyr Cymru
	Bl. 11 (B)	Arian Cwpan Cymru
	Bl 10 (M)	Pencampwyr Caerdydd ar Fro
Traws Gwlad	Bl. 7 (B)	Pencampwyr, Cynghair Caerdydd a'r Fro Enillwyr Pencampwriaeth, Caerdydd a'r Fro
	Bl. 7 (M)	Pencampwyr Cynghair Caerdydd a'r Fro Pencampwyr, Pencampwriaeth Caerdydd a'r Fro
	Bl7 a 8 (B)	Pencampwyr Cymru
	Bl. 8 a 9 (B)	Pencampwyr, Cynghair Caerdydd a'r Fro Enillwyr, Pencampwriaeth Caerdydd a'r Fro
	Bl. 8 a 9 (M)	Arian, Cynghair Caerdydd a'r Fro Arian, Pencampwriaeth Caerdydd a'r Fro
	Bl 9 -10 (M)	Pencampwyr Cymru
	Bl9- 10 (B)	Pencampwyr Cymru
	Bl. 10-13 (M)	Pencampwyr, Cynghair Caerdydd a'r Fro
	Bl. 10-13 (B)	Arian, Pencampwriaeth Caerdydd a'r Fro
	11-13 (M)	Pencampwyr, Ysgolion Cymru
Athletau	dan 14 (M)	Pencampwyr, Caerdydd a'r Fro
	Dan 16 (M)	Pencampwyr, Caerdydd a'r Fro
Criced	Bl. 8 (B)	Pencampwyr, Ysgolion De Cymru,



Ysgol Gyfun Gymraeg Glantaf

Mae'r tabl hwn yn dangos ehangder a dyfnder talent chwaraeon yng Nglantaf, ac ymroddiad rhyfeddol tîm o athrawon a hyfforddwyr. Llongyfarchiadau i holl aelodau'r tîm ar rhestr mor ganmoladwy.

A gawn ni longyfarch myfyrwyr a enillodd anrhydeddau cenedlaethol neu ranbarthol yn ystod y flwyddyn:

Maia Griffiths, Owain Griffiths, Rhys Llywelyn, Aneira Gwynfil, Mason Harvey (Gymnasteg);
Gwenllian Ap Sion, Elin Williams, Lara Osborne, Elin Griffiths, Winnie Lambert, Nia Young, Rhodri Pugh, Felix Box, Deiniol Gunningham, Evan Roach, Eli Jones, Frank Husband, Jack Jones, Danny Davies (Hoci);
Elgan Williams, Lewis Bonas, Aron Jones, William Holland, Huw Mander (Criced)



Pencampwyr Cwpan Cymru: XV Cyntaf!

Alara Mustafa, Elen Twigg, Loti Rhys, Gwen Amos, Catrin Matthews, Mali Grace, Izzy Fox, Gwen Williams, Rosie Todd, Izzy England, Luca Dauncey, Freddy Evans, Huw Evans, Caio Thaoms, Ben Parker Gruff Ciaburro, Will White, Leo Beckley, Max Coslett, Rhys Gruffydd, Jac Witchell, Harry Rummings, Caio Evans, Elffin Bryant ac Elin Thomas (Pêl-droed);
Elin Matthews, Rhiannon Derrick, Rebeca Derrick, Erin Huxtable, Alara Mustafa, Mari George, Chloe Kingman, Isaac Hurley, Caio Thomas, Sion Mitchell, Tomi Wikcs, Leo Beckley, Zac Munn, Farley Prtichard, Osian Phillips, Leo Pill, Tomos Williams (Traws Gwlad)
Libby Morgan, Ruth Petley, Ffion Leach, Elin Griffiths, Greta Walters, Maia Griffiths, Romilly Bennett, Isla Collis, Mabli Ramasut, Maia Bradbury, Seren Pearce, Emily Davies (Pêl-rwyd);
Jahvanni Benskin, Iolo Rhys (Pêl-fasedg);
Elin Mathews, Catrin Matthews, Amy Ford, Amara-Chukwu Herbert, Cadi Emmerson, Mai Pritchard, Seren Pitt, Osian Codd, Ethan Roberts-Jones, Zac Munn, Eli Jones, Osian Fitzgerald (Athletau Dan Do)
Elinor Roberts, Seren Pitt, Elen Blackmore, Zack Munn, Osian Codd, Macsen Martins Hughes, Efanysien Oldridge (Athletau)
Alfie Prygodwicz, Tom Howe, Will Adams, Joseff Fernadez-Arias, Mason Daniels, Harry Kinsey, Megan Jones, Efan Jenkins, Gruff Laugharne, Issac Jones, Elgan Williams, Evan Jones, Bailey Cutts, Finn Evans, Trystan Coates, Gruff Dafydd, Gwion Pugh, Mered Ifan, Benn Bubbins, Brychan Ap Gareth (Rygbi)
Gwen Evans (Nofio Cymru)
Mabli Phillips, Eira Lewis Hughes (Beicio);
Elin Matthews, Hedd Griffiths (Triathlon)
Ffion Evans, Nye Evans (Tenis Bwrdd)
Grace Louca-Jones (Rygbi Cyffwrdd).

Rydym bob amser yn falch iawn o glywed am lwyddiant a chynnydd talentog ein disgyblion, felly parhewch i rannu eich llwyddiannau gyda ni fel ysgol a'n hymddiheuriadau os oes rhai disgyblion ar goll o'r rhestr uchod.



Tim Athletau Glantaf: Pencampwyr Sir dan 16



Atodiad Dd: Cyllideb Ysgol 2025-26

Cyngor Sir Caerdydd YSGOL GYFUN GLANTAF 2025-26 Cyllideb a Gymeradwywyd gan Lywodraethwyr / Alldro Gwariant		
	Cyllideb a Gymeradwywyd gan Lywodraethwyr £'s	Alldro Gwariant £'s
<u>GWEITHWYR</u>		
Staff Addysgu Llawn Amser	6678290	6638964
Cyflenwi Ysgol Tymor Byr		5747
Athrawon Llawn Amser - Anghenion Arbennig (Uned)	315347	317597
Athrawon Llawn Amser - Anghenion Arbennig	157865	147099
Cynorthwyywyr Ieithoedd Tramor	17019	16083
Cynorthwyywyr Addysgu	543536	449059
Cynorthwyywyr Addysgu - Disgyblion â Datganiad Technegwyr	354197	363776
	197808	180171
Goruchwylwyr canol dydd	28092	32394
Swyddogion Presenoldeb	50668	40206
Staff Gweinyddol	338157	336542
Gofalwyr	140654	145942
Arlwyo	143642	126865
Staff Asiantaeth - Addysgu	150000	190053
Costau Staff Eraill	74725	71887
 Cyfanswm Costau Staff	 9190000	 9062384
COSTAU ADEILADAU		
Mân Atgyweiriadau a Chynnal a Chadw cynnwys tiroedd	142814	159331
Costau Ynni	208900	153876
Cyfraddau (Wedi'u Clustnodi)	172815	172816
Taliadau Dŵr	25381	35142
Glanhau a Domestig (gan gynnwys Deiliad Allwedd)	251577	249621
Cyfanswm Costau Eiddo	801487	770786
CLUDIANT A GWASANAETHAU		
Costau Cysylltiedig â Chludiant	23500	15294
Costau Cludiant	23500	15294
CYFLENWADAU A GWASANAETHAU		



Ysgol Gyfun Gymraeg Glantaf

Dodrefn	10000	4962
Deunyddiau Addysgu	140000	182858
14-19	110000	90924
Gemau a Gweithgareddau	80000	64890
Yswiriant	1000	-
Costau Arlwyo	186237	217883
Deunydd Ysgrifennu a Threuliau	60000	38664
Cyffredinol		
Ffioedd Arholiadau	225000	213793
Cyfathrebu	14000	9567
Gwasanaethau Cyfrifiadurol	114000	86226
Costau Cyffredinol	5000	6323
Costau Clercod i Lywodraethwyr	3038	6863
Costau eraill		297
Hyfforddiant cartref / ysbyty	20000	11242
Unedau Gwasanaeth	61082	28804
Cyfanswm Cyflenwadau a Gwasanaethau	1029357	963297
Gwariant gross	11044344	10811761
LLAI O INCWM:		
Incwm Ysgol	-629351	-749283
Incwm AALI	-968197	-1347949
MSF		150
Llog Ysgol/Benthyciad/Buddsoddiad	-100	-162
Tynnu'n Ôl		
Additional Funds - CNE		
INCWM GROS	-1597648	-2097244
GWARIANT NET	9446696	8714517
Cronfeydd heb eu Dyrannu - Gwarged/(Diffyg)	42788	774967
<u>CYLLIDEB FFORMIWLA</u>	9489484	9489484



Taith Bl 9 Hanes i Ypres a Belg

Coron Gwlad ei Mamiaith